



www.BibleForChildren.org


GENESIS 1




Wuhyashkud
Kesha-Muhnedoo
oogeöozhetoonun
kezhik kuhya
uhkee.




Kah dush ningood keëzhenahgwussenoon uhkee, kah
kuhya gagoo keähtasenoon emuh;
kekushketebekud dush emuh
akoo demeeg. Kuhya
kemahmahjewun
Kesha-Muhnedoo
oojechaugwun
emuh oogedebeeg.



Kesha-Muhnedoo dush oo-oo keëkedoo, Tahwahsayah.
Mesuh kahezhehewahsayaug. Kesha-Muhnedoo dush
oogeëzhenekahdaun wahsayahzewin kezhiik, kuhya
pahsuhgishkenuhmoowin tebik oogeëzhenekahdaun.




Kuhya oonahgooshe kuhya kekezhah netum
kezhegud keähwunoon.



Kuhya oo-oo keëkedoo Kesha-Muhnedoo,
Tahahyahmahgud mezhuh-kezhik nahwuhyëeng
enewh nebeen, me dush kaöonjenanuhwechegahdag
enewh nebeen. Kezhik dush oogeëzhenekahdaun
Kesha-Muhnedoo ewh mezhuh-kezhik, oonahgooshe
dush kuhya kekezhah kenezhoo-kezhigud.




Me dush keëkedood Kesha-Muhnedoo,
Tahmahwundoo-gummesanoon pazhikwunoong
enewh nebeen ahnaume-kezhikoong ayaugin
kuhya tahnahgwud puhyangookummegaug:
me dush kahezhewabuk. Uhkee dush
oogeëzhenekahdaun Kesha-Muhnedoo ewh




puhyangookummegaug; kuhya ewh
mahwundoogummesawin oogeëzhenekahdaun
kechegummeen: Kesha-Muhnedoo dush
oogeminwahbundaun.




Keëkedoo dush Kesha-Muhnedoo, Mushkoosewun
tahsahguhkeemahgudoon emuh uhkeeng, kuhya enewh
nwahkushkukin mahnekahnewungin,
kuhya metigoog mahnewejig
andusswahkoosid metig
azhemenewid, debishkoo
azhemetigoowid . . .




. . . peenjuhyeëeng atanig oomenekaunun oomah
uhkeeng: me dush ewh kahezhewabuk. Oonahgooshe
dush kuhya kekezhab kenesookezhegud.




Kesha-Muhnedoo dush oogeöözheäun neezh
keche-kezisoön; kache-mindedoonejin kezisoön
cheöogemahkundahmenid ewh kezhiik,
kuhya enewh agahsheënejin
cheöogemahkundahmenid tebik: kuhya
dush ahnungoon oogeöözheäun.




Oonahgooshe kuhya kekezhab
kenewoo-kezhegud.




Kesha-Muhnedoo dush
keëkedoo, Nebeeng suh
tahoondahdezewug
mashenoojig bamahdezejig
mamahjejig, kuhya
penasewug pabahmesajig
emuh uhkeeng ewede
ishpeming
mezuh-kezhigoong.
Oonahgooshe dush kuhya
kekezhah kenahnoo
kezhegud.




Kesha-Muhnedoo dush keëkedoo, Uhkeeng suh
tahoondahdezewug kuhkenuh bamahdezejig
mamahjejig ahnooj azhenahgoozejig, ahwahkaunug,
kuhya pabahmoodajig, kuhya uhkeeng duhzhe
ahwaseeyug ahnooj azhenahgoozejig;
me dush kahezhewabuk.




Kesha-Muhnedoo dush keëkedoo, Umba oozheähdah
enene azhenahgoozeyung kuhya azhewabezeyung
kegahezheähnaun: Kuhya oogahoogemahkundahwaun
gegooyun kechegummeeng ayahnejin, kuhya enewh
pabahmesanejin emuh
meshuh-kezhigoong, kuhya
ahwahkaunun, kuhya
anegookookummegaug
uhkee, kuhya kuhkenuh
pabahmoodanejin emuh
metushkuhkummig.




Kesha-Muhnedoo dush oogewahbundaunun kuhkenuh
enewh kahoozhetoopuneen, benuh dush
kekeche-oonesheshinoon; Oonahgooshe dush kuhya
kekezhah keningoodwahsookezhegud.




Jehovah Kesha-Muhnedoo dush oogeöodahpenaun
enenewun keähsaud dush emuh ketegaunansing Eden
azhenekahdag cheketegahduhmenid kuhya
cheguhnuhwanduhmenid.




Jehovah
Kesha-Muhnedoo dush
oogekenahamahwaun
enenewun, oo-oo
keënaud,
Azhemenewewaud
kuhkenuh
anduhswahkoozewaud
metigoog padukkezoogig
emuh ketegaunansing
mahnoo kegahaumwaug
wahaumwudwah.




Azhemenewid
atuh owh metig
wanjekekanjegahdag
wanesheshing kuhya
mujjeühyeëewish,
kahween
kegahaumwahse:
ewh mah kezheguk
uhpe kaäumwud
ahbetakummig
kegahnib.



Adam dush oogeweenaun kuhkenuh ahwahkaunun,
kuhya kuhkenuh penasewun babahmesanejin emuh
gezhigoong kuhya kuhkenuh mushkootang duhzhe
ahwaseeün; kah dush ahweyah
kemekahwahse
kaweedookahwaud Adamun.




Jehovah Keshah-Muhnedoo dush keënahkoonega
chekeche-nebahnid Adamun, kenebahwun dush:
magwah dush nebahnid oogeöodahpenuhmoowaun
pazhig oopegagunun, kuhya nayaub
oogekebahquahahmahwaun
weyausine.



Jehovah Kesha-Muhnedoo dush oogeähbujjetoon ewh
oopegagun kahoodahpenahmahwaud enenewun
cheöözheäud equawun, kuhya
oogepetuhmahwaun enenewun.



Mesuh oo-oo enene kaöonjenuhguhnaud
enewh oosun kuhya anewh oogeene,
oogahweejewaun dush anewh wewun;
tahpazhigwunene dush weyausewah.



Kahahpeech-shahwandung owh
Kesha-Muhnedoo ewh uhkee
oogeöonjemeegeewanun
tebenuhwa oogwissun
nuhyatahwezenejin, . . .



. . . ahwagwan dush
duhyabwayanemahgwan
chebahnahdezesig,
cheähyaung suh dush ewh
kahgega-bemahdezewin.



ROMANUN 3:23 Kuhkenuh muh kemujje-ezhechegawug
kuhya kenoondasawug emuh oopeshegandahgoozewining
owh Kesha-Muhnedoo;

ROMANUN 6:23

Mujje-ezhewabezewine-tebahahmahgoowin me suh
neboowin; ewh dush ween oomeegewawin owh
Kesha-Muhnedoo me suh ewh kahgega-bemahdezewin
oonje owh Tabanemenung Jesus Christ.

HEBREWUN 9:27 Debishkoo suh
azheënahkoonegahzoowaud enenewug ahbeting
cheneboowaud, ishquauj edush chetebahkoonegang:



EPHESIANUN 2:8,9 Shahwanjegawin muh
kedoonje-bemahjeëgoom oonje ewh dabwayanduhmoowin;
kah dush kenuhwah tebenuhwa
kedoondenuhmahdezooseem ewh, kemeenegoowah suh
owh Kesha-Muhnedoo:

Kahween emuh ahnookeewining oonjeemahgussenoon,
koonemah ahweyah tahgeöonje-muhmequahzoo.

ROMANUN 10:9,10 Ewh kishpin wahweenud emuh
kedooning owh Tabanemenung Jesus Christ, kuhya
dabwayanduhmun emuh kedaïng ewh Kesha-Muhnedoo
keähbejebahaud oonje neboong, kegahbemahjeëgoo.

Mesuh ewh oodaëmah owh enene wanje-dabwayandung
cheöonjequuhyük-ezhewabezeïnd; oodoonemah
wahweendahmahgamahgud cheöonje-bemahjeëwang.



ST. JOHN 3:16,17 Kahahpeech-shahwandung owh
Kesha-Muhnedoo ewh uhkee oogeöonjemeegeewanun
tebenuhwa oogwissun nuhyatahwezenejin, ahwagwan
dush duhyabwayanemahgwan chebahnahdezesig,
cheähyaung suh dush ewh kahgega-bemahdezewin.

Kah muh Kesha-Muhnedoo
oogeöonjeëzhenahzhahwahseen enewh Oogwissun
oomah uhkeeng chenahneboondung ewh uhkee, ewh suh
dush uhkee chebemahdudenig ween oonje.

1 ST. JOHN 5:11-13 Mesuh oo-oo debahjemoowin,
Kesha-Muhnedoo kemeenening kahgega-bemahdezewin,
oo-oo dush bemahdezewin ahyahmahgud
oonje enewh Oogwissun.



Owh ayahwaud enewh Wagwissemindjin oodahyaun
bemahdezewin; owh dush ayahwahsig enewh
Kesha-Muhnedoo Oogwissun,
kah oodahyaunseen bemahdezewin.

Oonoo uhyeëen kegeëzhebeühmoonenim, kenuhwah
duhyabwayanduhmag oodezhenekahzoowin Oogwissun
Kesha-Muhnedoo; chekekanduhmag ahyahmag
kahgega-bemahdezewin, chedabwayanduhmag dush
oodezhenekahzoowin Kesha-Muhnedoo Oogwissun



GENESIS 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Psalms published by the Canadian Bible Society 1856. New
Testament and Pentateuch published by the Society for
Promoting Christian Knowledge (SPCK) 1861-1874 (ciw).

<https://www.bible.com/bible/4126/GEN.1.OTW>

©2026 Bible for Children, Inc.

www.M1914.org

www.bibleforchildren.org

